

眉州屬志卷十八

藝文志 詩

明



中巖

尙書 余子俊

步入中巖日已斜老僧錫杖入烟霞呼童淨掃維
摩石留客頻煎石筍茶寶鼎香烟添栢子膽瓶春
色上梅花倚欄看罷三峯筍始信招提景最嘉

中巖留別余方池草池兄弟

翰林修撰 楊慎

眉州屬志

卷十八 詩

又別中巖二十春禪枝忍草幾昏晨三生水月淹
留地萬里江山感慨身楚澤羈纍吟北渚謝家兄
弟餞南津酣杯且喜朱顏在覽鏡休驚白髮新

贈呂芊川

為政風流遠近傳清標玉潤更溫然春生蘭蕙千
毫筆詩寫桃花百韻箋栖枳鳳鸞來下邑搏霄龍
鵠在中天好鑄岩石留佳句文類他時繼薛田

宋成都守薛田有
百韻詩見文類

贈呂神童 芊川子

注白

七澤三湘萬里流君家奕葉水東頭明經幕下張
童子問禮庭前郭細侯元閣披文冰欲釋墨池揮
翰露將浮九苞耐許毛成鳳五色先看氣食牛

孝津行

岷山青蟠空下映犍爲江江濱有孝娥白名叔先
雄娥父爲功曹冉冉趨府中泛舟越洪濤捐軀以
凶終娥也痛父死臨淵矢相從練囊封兒臂珠環
繫兒躬寄言與兒別別去不再逢寧假黿鼉梁旨
下蛟龍宮川后垂懸鑒江妃憐丹衷死抱父屍出

眉州屬志

卷十八

詩

二

依泊葦花叢戚黨悲復感閭里喑且闕風誼動今
古廟貌森穹崇文紀與令伯祠墓相西東解使犍
爲縣永作忠孝邦岷之山石可泐犍之江波可竭
千秋菊兮萬春蘭娥之名焉可滅

按彭山無孝津據通志詩益爲犍爲聶汝器作
以其父俊卒於太學汝器且暮悲號負父體骨
歸作孝友賦升菴竒其文作孝津行以贈之然
以孝津爲詩升菴必非無據按犍爲志載孝女
橋下註孝女負屍之事然亦未詳何代人而列
女志中亦未見其名想不過土俗流傳者耶今
按詩中旁引文紀令伯祠墓西東則張李二公
之在彭山確有可紀然則孝津亦在彭山矣升
菴指是爲詩者以彭山卽古犍爲郡地欲借二
公之忠孝以况汝器托興於孝津耳讀之者如

以文害義則
兩無所據矣

登白塔

峯堵峒嶂出半空蔚藍天界接剛風魚鳧疆域遙
瞻外龍鵠山川近覽中乍似潛虬穿坎窞俄驚飛
鳥出樊籠登高勝侶歸來曉樓閣烟花紫翠濛

聖燈寺

蒼烟叢裏聖燈紅火齊營軍照遠空元是楓林霜
葉下露華光泣月明中

龍池秋月

四川右布政使
周瑛

眉州屬志

卷十八 詩

三

驪龍蟠處水偏清月伴龍蟠分外明湛湛渾無塵
半點汪汪冷浸夜三更碧天雲淨銀河轉滄海門
開玉兔生定起幽僧時洗鉢恍疑身世在蓬瀛

前題

四川提學
王勅

一泐澈底古靈湫秋月長年浸碧流玉鑿橫空金
氣爽冰刀剪水露華浮分毫塵垢渾無染上下天
光自是幽清趣許多有誰識主人心鏡恰相投

前題

四川按察使
曲銳

一簇叢林百尺淵秋來如練浸嬋娟半涵水角銀

鈎露正照波心寶鏡圓風漾寒光驚兔起雲開清
影見龍眠廣寒宮殿高如許景像分明在眼前

龍池寺會贈

山東都憲 吳節 眉州人

妙年穎敏克岐嶷力學孜孜志不移挂淶不思朝
鳳闕披緇偏愛隱龍池眠雲立雪勤修道對月臨
風謾賦詩佛法現前能了了何妨出世掌僧司

游龍池寺

許霖 眉山人

秋日長歌過遠林清涼蘭若翠微深到山惟見烟
霞色入寺不聞鐘磬音龍去池荒存古蹟蘭香人

眉州屬志

卷十八 詩

四

喜發新唵飛花落葉紅於錦何數祇園布地金

前題

戶部郎中 許楫 眉山人

竹林鬱鬱接松林門外龍池百尺深寶刹天開山
水畫琅瑤地振海潮音啣花鹿傍巖頭下盜果猿
攀樹杪唵卓錫祖師成佛久輝煌殿閣耀黃金

前題

御史 喻文璧 眉山人

酷愛詩篇三復吟擁爐擊節賞高音展緘目炫連
城壁投篋聲鏗擲地金有相着來原有相無心去
處本無心卽心觀相皆空相了得心時貫古今

前題

翰林修撰 余承勛 青神人

萬壑陰森玉樹林
桃源春洞迥追尋
移杯露砌攀蘿幌
倚杖鳴谿奏石琴
鶴唳雲巢驚客夢
龍開鉢水照禪心
天虛古殿昏鐘處
清楚泠泠落翠岑

前題

戶部員外 尹 覺 嘉定人

白龍池外清涼寺
林影波光翠黛濃
十笏房中空俗鞅
三生石上款唵蹤
法音遠座來深澗
禪定當年傍古松
何日掀髯入蓮社
放歌相與話從容

前題

吏部郎中 張 廷 夾江人

眉州屬志

卷十八

詩

五

白龍池在眉山麓
好景宜人分外濃
連夜雨聲泉有本
一天雲氣路無蹤
窻涵翡翠斜橫竹
壁走蛇龍倒掛松
我欲尋幽分半榻
遠公心下可能容

前題

進士 袁襲裳 眉山人

龍池地迥占祇林
振屐沾雲到晚岑
白日殿開金佛燭
清泉流響玉堂琴
天台劉阮春猶在
故里蘓黃蹟可尋
何事耽吟遲掃興
應便空翠酒塵心

眉山雜咏八首

州牧 許 仁

可人千載尚流芳
故宅池中並蒂香
莫訝為祥在

科甲生前元自擅文章

靈巖寺外石三峯會說牛山有路通試向洞門問
消息滿空烟雨畫濛濛

墓頤洞上樹層層洞裏香泉澈底清日暮遊人留
不住下山猶愛夕陽明

萬仞青山勢欲摧秋嵐晴鎖讀書臺山靈好是長
呵護有待仙才又再來

水邊楊柳岸邊村罷釣歸來晝掩門睡起黃昏無
別事桑麻陰裏數雞豚

眉州屬志

卷十八

詩

六

郡城南下路悠悠行盡煙村水漫流寄語莫愁前
去晚柳陰深處有虛舟

名山高與斗牛齊積雪連雲望欲逃退食捲簾靜
相對無邊清思入新題

玻璃江岸著亭臺前輩迎賓特地開今日歎留明
月在夜深時送畫船來

墓頤觀

墓頤觀古號仙靈琴鶴間來試一登日落尙留天
外照雲開羅拜殿前僧洞藏白蟹人爭說夜見神

燈我未能幾度醉歸更回首山頭惟有樹層層

九日遊墓頤觀

眉山幾度賞黃花不似今年興味嘉
奠酒喜同文士飲桐陰久坐梵王家
馬嘶芳草重開逕僧斲茨菰旋煮茶
乘興不嫌歸路晚烟村隨處有桑麻

墓頤山頂縱目

成都推官祝旦

偶來遙見貫虹岳逸興無端不自緘
山自北來驅地陣水從南去載雲帆
野花迎笑紅黃艷落日停看紫翠銜
五月眉山還未暑已拚一醉典春衫

眉州屬志

卷十八 詩

七

和吳崖韻

王勅

旋折虬枝當策筇三仙洞裏探蟠龍
水醒丹井龍初睡拾得驪珠下玉峯

蝮蛇行

有序

丹邑令呂禧

甲寅六月二十五日夜夢小鳥三四向予乞
生黎明聞囀中鸚鵡聲攬衣起視極呼左右
救之無所見乃用竹十餘丈探之覆其巢有
蛇墮地殺之無赦感而賦此

官廨有古栢蠹起高叢域鸚鵡巢其巔伏雛成羽

翼蝮蛇緣枝上吞噬飽胸臆我聞嚶嚶鳴早起舒
哀蠹雄者繞樹飛雌者捩空極羣鳥助叫啞餘雛
紛啾唧亟命村卒伍箐篁交糾直擣其綢繆居遂
令室反側蝮蛇失蜿蜒腕勢下溜仄丹質錯白章
三尺飮脹寒始用戟刺喉終以斧湛肋鸚鵒雖無
言似剪心中慝辟彼不義徒弱肉強之食一朝抵
王章何以追誅殛羽族一微物天倪起神識人生
一世中步步騁荆棘轉盼罹禍殃曹馬垂永式不
如江湖魚相忘不相賊聊爲蝮蛇行於以風四國

眉州屬志

卷十八 詩

八

興福寺

早出丹陵廟間登祇樹園雲烟生草鳥優鉢繞堦
軒問法參修利尋碑按事原黃金如可布願祝飽

山樊

宿寶華寺

吾本青衫吏來參碧海禪論緣知證果說法解眞
詮櫪馬嘶支遁狂吟總惠連覺花同夕照靜擬學
虛圓

杯渡何年至燈傳此夜長三明稱給秀一切屬醫

王樓閣諸天近曇花百葉香夜深金梵罷石磴掃
苔光

校士

處囊君已久懸鑑我初開冀免投麝口慙知脫穎
才日華驅彩筆春色轉庭堦莫訝相須者連城遲
爾來

題連鰲山東坡墨蹟

一舉何人得六鰲東溟從此靜波濤指揮蒼莽鴻
濛合點綴江山景象高海上蟠龍張爪吻雲間彩

眉州屬志

卷十八 詩

九

鳳舞苞毛定知千載符元氣靜掃苔痕謾刻雕

三真觀

城闔百步轉滄浪瓊宇高張對夕陽披帙綿綿存
氣節餐霞疊疊薄明光黃雲穠稔新連陌綠樹扶
疎舊接岡共說三真修練地守心太歲自豐穰

謁三蘓先生祠

三首

尚書

李長春

富順人

徙倚孤城半草萊西南天地見雄才文裁五色岷
江錦節比孤根滄瀕堆詞賦已知懸日月精靈猶
自挾風雷長公學士應相笑亦向承明載筆來

槎牙老幹倚雲間疑是君家木假山已訝長蒿迷
故宅祇留遺草照人間何年祠屋餘孤棟當日聲
名到百蠻一自池臺零落後春來空有水潺湲
百坡何處問荒亭池館猶存菡萏青寂寞江山空
有泪飄零詞客豈無靈丰神夜照峩眉月氣象芒
寒井絡星欲起摩挲前代碣綠苔蒼蘚已冥冥

遊三巖

余承勛

良夜嘉招遣驛來攜壺江寺共登臺天連遠樹晴
嵐合鐘動虛樓曉霧開洞口聽泉頻憩賞笋根刻

眉州屬志

卷十八 詩

十

句漫啣杯間中把贈空雲霧笑倚春巖折野梅

答草池約泛芙蓉溪

余承恩

春來花鳥總關情夜雨愁聽不到明怪殺主人猶
病酒晴江鼓柁放舟行

芙蓉溪泛舟

芙蓉溪水三尺強蒼蒼兩岸花草香若待長江新
漲合撐舟直上小茅堂

遊三巖

余承業

諸天懸絕壁鐘動片雲齊楓落驚猿夢松閒許鶴

棲竹林留處密漁火望中迷獨卧蒼洲晚佳遊誰
爲攜

遊中巖次草堂韻

青神進士

王一麟

莫言此處非幽僻隔斷塵囂有綠流臺外無山何
礙月樓頭不雨亦生秋烟開萬象波中浴雲聳三
峩天際浮勝地祇須騷客至閒來笑挈一樽遊

水月樓

水自峩村發月經玉斧裁一現潭底影水月共徘徊
峩峩擁數楹閣閣勢何鬼鬼憑欄看雙清勝賞愧

眉州屬志

卷十八 詩

十一

天臺煩囂日汶汶臨此絕纖埃酒婪攜來甕愁圍
種種開

中巖

王文傑

殷勤拄杖訪禪關遠在城南第一山徑草翠搖鸚
鵡綠林花紅點鷓鴣班嵐開秀嶺濃於畫雲散清
溪曲似環更向三峩高處望天臺風景隔人間

丹稜雜咏七首

失名

日暮城西路青龍見水中遠迎新月白低映夕陽
紅士有相如達途無阮籍窮我思與構者端有齊

川功

曉入相公鄉青山正路旁嵐光寒欲滴花氣濕還
香和霧藏文豹隨風潤石羊看看紅日上洗耳聽
鸞凰

大雅堂傾久遺音尙在茲三巴盈耳日千載感懷
時雨過江山麗春來花鳥悲少陵如可作吾與再
論詩

桂樹何年種龜山上有祠月中分老影雨裏走旁
枝秀色欺庭草清香助酒卮野人時賽廟相慶每

眉州屬志

卷十八 詩

三

歸遲

龍鵠山前過青苔喜正晴忽聞流水響如聽讀書
聲芸草春還綠啼猿夜復驚前修誰復繼吟罷不
勝情

塔影依城郭鯨音出上方殘星離寶地新月照迴
廊閉戶人初定趨程客正忙羣僧發深省相約起
焚香

黌宮新製美白鶴舊名空喬木方遷鳥長天已射
虹菁莪沾化雨棫樸霽文風豪傑從茲盛當思此

日功

除夕前 三首

余 齋 青神人

放浪無終極看看歲又更貧懷生倉卒心事一無
微促酒不成酌歛衣空復情蕭槭無人知振策倚
前楹孤衷原有屬雙眼未全青汗漫肆情志暫遺
憂思屏回首念妻孥豈禁心鬱憎悲來不可遏我
生胡營營

營營亦何爲棲惻不擬道幸恃心潔清可以對蒼
昊一身經百折堅貞聊自保偏側履荒途何暇計

眉州屬志

卷十八 詩

十三

溫飽昔也居京華有如魚在藻今者嘆流離不及
安枝鳥有酒且賦詩塵氛迹如掃不學裴晉公擁
爐嘆衰老

辛酉元日

今晨氣宣朗檐次透曙光春風扇和柔悠悠襲我
裳道院自幽靜中庭焚異香香氣何氤氳隨風泛
長廊我本羈旅人感此歲月長孤踪謝塵事靜坐
閱班揚濡毫改舊詩開樽引巨觴磅礴無拘束頽
然入醉鄉天地氣候改陽和易冰霜草木漸勾萌

梅花何處芳幾欲探消息林木空蒼茫翹首憶江
南雲霞蔚相望

簡友

歲暮增無那而又窘陰雨隙風入我懷氣咽不能
語探囊無長物枵腹待懸釜衰殘畏奔走晏眠恒
至午人情近反側誰能更古處知己言在耳德音
燦可數倘終顧盼情旦夕臨江潯

獨酌

友人惠我酒竟日延清歡閉戶無人來好鳥伴我

眉州屬志

卷十八

詩

古

閒初旭下窈窕小牕明可觀興來聊復酌藉影相
盤桓幽寂性所好瓶梅香未殘卽此無拘束境靜
神亦安未暇倏復醉餘情盡可刪

新晴得月

雲靜天益高微風起庭樹接葉望猶濕堦草已多
露半規出東井光彩異平素涼夕豁人襟靜對生
遠慕風竹碎流影烟林平帶霧安得同心友清斟
展良晤徘徊夜漏殘雞聲忽交互

廣陵季春十有三日憶沈子禹甸生日對酒懷

之

虎邱何鬱葱雲霞望如綺中有抱道人時在雲霞
裏三春景物繁花氣香流水詩歌陶逸興琴尊延
近理別來歲未周緘喙缺雙鯉遙憶子初度馳懷
更依依爲子歌斗酒獨坐開雙扉微風起將夕園
景澄清輝醉卧不知曙迢迢星漢微

候月歌

老夫候月夜不寢披衣獨坐凌霄寒月亦有情鑿
幽獨飛光直射浮雲端碧霄澄徹玉宇靜流輝澹

眉州屬志

卷十八 詩

十五

宕河山影河山影燭寰區白烟林古木晶光永噫
嘻月有圓缺人盡知千年萬年恒如斯今人不見
百年月生老病死須臾期此時對月卽無酒徘徊
無語徒搔首長歌一曲憂思攢星殘斗挹更聲闌

蜀都行

自我之成都十日九日雨浣花草堂益蕭瑟青羊
石犀但環堵生民百萬同時盡眼前耆舊存無幾
訪問難禁泣淚流故宮荒廢連禾黍萬里橋邊陽
氣微錦官城中野雉飛經商半是秦人集四郊廓

落農人稀整頓凋殘豈無術日生日養誠可期但
得夫耕婦織無所擾桑麻樹畜隨所宜數十年後
看生聚庶幾天命有轉移

卜居

卧隱仍無定途窮數卜莊有家何日到老病滯瀟
湘道遠音書少秋深客夢長桃源今有路恣意樂

他鄉

梅花 二首

市上何人識故侯青鞵皂帽稱心遊相逢頭白留

眉州屬志

卷十八 詩

六

詩別細雨孤帆下虎邱

遄歸見說為梅花鄧尉風光滿眼誇我夢相隨便

東去一天花壓帽簪斜

花時歸客怕花殘烽火漫漫道路難斷送春風多

少憾憑誰留寄一枝看

白龍池

楊世珍 眉州人

避盡人間垂釣叟優遊來到翠微巔天懸藤線花
為餌地湧池盆月作筌幾片瑩瑩高下石一泓湛
湛古今天饒伊不逐風雲會好學驪龍自在眠

大峩山

饒桂陽眉州人

名勝日相親吾家在山下譬如居寶所得寶不論
價暑年走雲巒壯焉未曾謝探奇時窮幽觀變知
元化烟霞分晦明氣候無春夏陰崖千古雪石室
萬年舍彩光現晴嵐星燈燭昏夜

凌雲山近河亭為俞給事賦

翰林

任有齡

山撐玉筍真崔嵬峩眉匝岸俱周迴下有驪龍抱
日影上有松幹參雲堆東坡曾此一洗墨濡毫染
就陂塘黑文章擅盡草木英忠貞應共風霜烈我

眉州屬志

卷十八

詩

七

侯丹炯還同心登山攀徑披遙岑蓬萊暫下住九
頂藻詞隨處揮精金誅茅猶是古來址古勝新開
亭上美喜有瀕洞三江流似是黃河九曲水河水
滔滔澤潤新漢嘉敷惠日生春直節更與茗堯並
共道蘓仙是後身君不見郭璞臺前爾雅書至今
遺跡在江魚何當盡洗山河盛清月同輝照碧虛

皇清

謁三蘓祠

尚書

王士正

墓頤山色腴不枯玻璃江水如醍醐眉州城郭劫

灰後水厖漠漠成榛蕪郵亭下馬詢老卒蘓公故
第城西隅旋來束帶薦蘋藻辰良何必煩神巫往
者此地鐵腳亂高門大宅皆焚如此祠巋然誰所
作維公大節驚頑愚雙栢輪困溜霜雨廷立冠劍
古丈夫長公遺像龍眠筆馬券剝落涪翁書殘碑
插笏尚林立紫藤碧蘚纏龜趺祠西一水最蕭瑟
經霜菡萏猶扶踈丹蕉十丈覆簷雷落花亂迸紅
珊瑚當年結構不草草要合咫尺成江湖故園如
此不歸老與人家國徒區區瓊儋雷藤歷九死口

眉州屬志

卷十八 詩

六

甘熏鼠隨猿狙頭綱八餅有何意枕榔萬里非吾
廬兩公神靈未磨滅應翳白鳳遊清都游戲下界
亦聊耳鯤鵬豈必槍枋榆眉州玻瓈天馬駒酌公
三醕公歸乎

雨發眉州

五更吹角罷細雨出眉州雜樹堆紅葉蠻荒感白
頭岷峩雲氣接邛嶰亂山稠東望玻瓈水風前葉

葉舟

題蘓長公詩卷後

慶歷文章宰相才晚爲孟博亦堪哀淋漓大筆千
年在字字華嚴法界來

瑞蓮亭

趙蕙芽

一泓十丈花茵馥輟竿呼童分殘盞輕風浪綠上
人衣對酌烟霞詩萬斛

蟬鳴竹樹水鳴蛙耳熱呼盧興未賒玉井勺來甘
冷味平看並蒂映清華

弔李密墓

金一鳳

淪落芳踪不可尋會歌麥秀匿山林本因祖母陳

眉州屬志

卷十八 詩

九

情切還矢先朝報國心塚土草長高北斗姓名偃
仰重南金烏鴉日暮相啼啞風木餘情泪滿襟

喚魚池

川撫蔡挺

喚魚自昔羨坡公今古雖殊興致同我到池邊還
拍手風流未分讓髯翁

遊中巖

川學政葛俊起

輕帆乍卸指林卽載酒聊爲覽勝遊曲徑修篁穿
蛺蝶垂蘿古樹掛獼猴泉飛赤壁空中落雲起瑤
臺象外浮更有奇峯插天漢人間何處訪瀛洲

墓頤觀夜雨宿觀中作

洪成鼎

秋江夜雨波光灑江口浮舟轉江岸眉州東壁山
氣佳舟人指點墓頤觀葱蘢竹樹隱危樓翠峯疆
梯通古殿艤船策杖步層巔屐齒丁丁響巖畔入
門高榜重瞳宮四目真人寶弓彈道證軒皇仙蹟
傳叢巖金粟香初綻中巖忽覓老人泉石池乳竇
寒波漫嵌洞時時甘露零灑空滴瀝明珠濺吸來
一口沁心脾兩腋風生冷然善低徊緬想起遙情
清名偶被蘓翁喚白蟹浮沉豈易逢金芝璀璨當

眉州屬志

卷十八 詩

三

誰見荔支一樹尤絕竒涼綠婆娑滿庭院老幹攢
攢各數圍翠葉樛柯雲露泣石纍丹丸鳥雀爭濃
陰歇夏彌蕃變周遊斗閣縱流觀餘霞返照江天
眩道人南望認我眉空濛冥色疑天半佛光可遇
不可求塵根未淨增慨嘆簷鐘乍驚山雨來淹我
遊蹤悲泮渙雲榻一燈客夢醒題名拂石霜毫健
今宵山館咏墓頤明日蘓祠摹馬券

老人泉

一泓清冷老人泉石罅深涵闕洞天活潑靈機隨

地出蘓翁從此共留傳

憶山居

彭端淑

石磴遠盤空危樓天半矗
緬昔高卧時優游愜所
欲白雲掛石巖閒花媚
幽谷晴雨山色分時節
鳥聲告樓頭接大荒萬
象俯在足南眺小峩眉
西眺小瓦屋一去二十年
微官空鹿鹿人生貴適
意胡爲久羈束他日復
歸來高歌抱吾獨

丹稜雜韻八首

少陵客夔州高吟追正始
千載得涪翁一變西崑

眉州屬志

卷十八

詩

三

體往迹已淪亡聞風思興起

種桂讀書臺天香飄十里
堂空桂亦摧寂寞荒榛
裏走馬過龜山螻蛄聲在耳

文簡善著書築室巽山下
精心四十年遺編等班
馬赤壁垂琳瑯誰爲後來者

塔勢壯城西迢迢入霄漢
鐘聲出上方清越隨風
遠喚醒夢中人回頭思彼岸

鵠嶺何逶迤翩翩自霞舉
一夕微雨過遠色清如
許獨立向晴空夕陽下山塢

野外行踪絕滄浪凍欲結皚然一老翁持竿坐超
忽鳧鴈濕不飛天寒滿江雪

憶昔建學時仙禽聿來止翩翩耀宮墻文彩鮮以
美一去不復還丹山空峻峙

野鳥集前林遙山遞隱見落日下濟橋明霞川上
灼餘光收不盡化作江烟散

寄仲尹

光陰如過客回首六十年憶昔方弱冠讀書紫雲
巔與君及石甫風雨對床眠空山半豕鹿今古歸

眉州屬志

卷十八 詩

三

磨研夜課燃明燈旭日臨窗前文章鄙流輩志欲
追雄遷懷竒不相下戰筆橫戈鋌采蕨踐巖阿垂
綸釣清泉有時騁逸步攜手弄雲烟君才先得雋
余亦繼聯翩同提南宮日遠近相爭傳石甫最後
出名冠一軍先軒騰入詞院飄飄望若仙釋褐共
登朝 綸音先後宣兵刑及銓翰始願豈能然昆
季無異鬯出入必隨肩薊北三冬月雪花大于拳
陰風攬短晝大地結冰堅狐貉總無溫剗面如刃
鎌退食擁紅爐趺坐圍蛩氈酸鹹殊世味迂拙少

黃緣疲驢消日月薄宦久迤邐君又列侍御言事
動得愆君恩高且厚歸卧守園田一斥遂不復
羣飛競刺天石甫尤蹲踞株守困閒員一行作司
馬二載不生還到今瓜步人日夕憾啼鴟騏驥方
展足中道忽摧殘詎惜傷右臂誰人繼騷壇余謬
膺簡命觀察海南邊安民在察吏負性異鷹鷂
勤勤修厥職夙夜凜冰淵懷君思解綬萬事苦拘
牽鴻鴈附書至開緘淚滿箋舊業餘幾何生齒日
綿綿骨肉半零落朝夕缺薪餽垂老方耕舌兩地
仲多推捐異時慚二子中心常帽帽

紫雲寺

廿載歌吟地披榛復此行望雲慙俗客聽鳥識前
聲佛室一燈靜人間萬象清白頭思舊約惆悵不
勝情

秋日懷山居

我心如鹿豕所志在林丘憶昔歌吟處不忘寤寐
遊空山黃葉寺皓月紫雲樓寄語歸來日諸僧應

白頭

臨邛懷古

南宋真君子西京作賦才鶴飛烟冷院鳳去草侵
臺往跡今如此古人安在哉邛山千載秀臨眺獨
徘徊

紫雲寺雜咏七章

東山

曳杖遊東山獨倚孤松憩山下土人耕山上牧童

笛

眉州屬志

卷十八 詩

西

西嶺

日夕上高樓推窗出遠景時見南山雲閒飛過西

嶺

竹塢

愛此團欒竹青翠點蒼苔與君成三友移石並添

梅

小桃源

水複山亦重恍疑前路阻忽聞雞犬聲隱隱露村
墅

西溪

西溪清且漣遊魚或羣友焉知彼非樂試問南華
叟

柏徑

古栢森成行苔徑無人掃曲折上嶽岑鐘聲度飄
渺

松峯

松峯千仞拔高與白雲齊凡物不敢托時有鶴來
栖

眉州屬志

卷十八 詩

三

讀白鶴堂詩稿跋寄數韻

彭肇洙

朔風逆行舟懷人傷寂寞卷展白鶴堂耳目得開
廓秋月淨平湖夏雲爭錯落清竒稱體例變化非
一格斯道積彌邛大半由剽掠飴糠未及米鼓腹
譚精鑿譬彼鸞與鳩紛紛噪林壑焉知霄漢間萬
里盤鵬鷲窠舊襲前人動輒卽受縛嗟余時一吟
而才氣弱南海多明珠此貨莫彈雀珍重魚目
翁毋飽雞林橐

丹稜縣

勝地推唐宋秋郊望欲迷千峯雲擁北一塔日沉
西石路縈迴轉畚田老稗蕘絃歌聲未徹不應古
今睽

述舊示子姪

彭遵泗

就傳山城客一屨劬形做舌自年年曳柴遠道三
秋雨負米長途六月天永夜高吟追漏鼓疑書積
思撥晨烟漸看著作凌前輩羨爾彭宣昆友賢

詩僧可朋

伯玉騰神龍青蓮躍天馬如何西南隅落落斷風

眉州屬志

卷十八 詩

三

雅竺乾古先生浩歌盈蘭若屢空負黃爐千篇手
獨把終古玉壘橫鼎峙陳李者異哉盧水部知人
未盡也

唐博士庚

蜀秀竭眉山煉石寧能補博士乘未央磊落相撐
拄流風標小坡詎云秦晁伍飽食惠州飯後先遙
可數李翰真功臣厥弟亦踵武片羽貽吉光猶多
強行父

李文簡壽

松栢厲寒霜仙李懷其質老檜不能侵盤根困藜
蕨一朝拔方隅千秋獨秉筆大業偕龍門於何涑
水匹孝陵風雨來虬龍撼卷帙仰止塵追攀吳崖
空嶮嶮

彭布衣叔融

吾家有子雲嗜學老帚布治迹銘古今七十三函
足干鏌氣不埋流散悲風雨張雷起振孫拭光發
塵錮亦有鶴山翁封竈憐微誤祇今文獻存誰爲
踐其祚

眉州屬志

卷十八 詩

三

交枝海棠歌

蔡麟趾

嘉陽海棠號香國佳種分來稱竒絕種向丹邱不
計年雙株環抱虬龍纏文牕窈窕篆烟碧花枝掩
映相新鮮春來開放一萬朶垂絲纍纍櫻桃顆燕
雀驚飛不敢窺桃花馬上紅粧墮花光籠罩三丈
餘下有芳草鋪庭除有時花葉落無限紅英綠莎
色相間開樽席地與花對舉杯邀花花已醉依稀
太真睡起時沉香亭北欄杆倚蜀中烽火燭天長
錦城宮闕同咸陽滄桑幾變陵谷改此花獨留嬌

春光人生局促不滿百我來看花頭半白安得三
萬六千觴日日提壺醉花傍

雙梅樹歌

嘉州太守

周

璘
新城人

君不見武陽官舍風韻古太初氣萃羣玉府中有
雙梅不記年森森對峙當庭戶張侯敬愛重徘徊
開軒索笑成賓主古貌素心能幾人寒香冷艷堪
同譜萬品方隨葭管埋兩株先吐乾坤春疎花落
落風塵迴暗香點點性情真雪重冰凝感氣骨風
清月皎標精神馥郁朝含金鼎味光輝夜照玉壺

眉州屬志

卷十八 詩

三

人憶昔鴻飛壘斷碣素華類此孤芳咽縱復璀璨
無人知寂寥柯幹空盤鐵華軒觴咏酌瓊瑤花香
酒氣交清澈幽姿珍惜盡如君豈有貞士老巖穴

時張侯方
試士故云

彭山雜咏四首

巴縣令

袁錫夔

六合
進士

我家宅近古揚州廿四橋頭汗漫遊怪煞畫船簫
鼓夜二分明月在迷樓

千家返照入蓬窻點點魚燈映水雙欸乃乍停清
韻起聲聲猶唱古吳江

龍潭新雨嫩如絲點染春光翠欲移潭氣作雲雲
作雨春耕不用勸農詩

木落高原靜秋空極浦涼如何蘆荻上葉葉點新
霜香草舊相識伊人思更長橫天一鴈過烟雨滿
瀟湘

漢都尉張綱故里

李光緒

農夫去惡草力殫不敢置如何埋輪者直待繡衣
使得時則鵲起浩氣帥吾志極目望岨嶭夕陽映
山翠

眉州屬志

卷十八 詩

元

晉洗馬李密故里

孤松出寒林霜雪披荒荆栖鳥歸得食啞啞哺其
親若移孝作忠聖言當至情無爲章句士一字毀
人名

張綱故里

王喆

岨嶭山畔孝廉居蕭瑟空階月影虛獨憾廣陵催
薤露但從蜀嶺認蓬廬摩崖應記埋輪節牧馬還
驗降壘書借問漢臣誰箇似望風憑弔一歔噓

張綱故里

南江令

聞肇塏 錢塘舉人

都尉今何在嵒岷壯氣蟠繡衣爭就道白簡邁同
官狐類知堪擊狼貪詎忍寬朝臣眉盡蹙貴戚胆
教寒攬轡心彌切埋輪義所安一時留諫草千古
仰忠丹賈誼匡君篤劉蕡翊運難驅車憑弔處髣
髴覩衣冠

李密故里

至性高今古如公迥出羣徵書馳道急烏養報劉
殷榮遇欣逢主終年幸賴孫苦辛天地鑒忠孝短
長分表上哀鳴切情陳血淚紛名垂晉宇宙聲震

眉州屬志

卷十八 詩

三

蜀風雲柱史齊芳躅都亭共令聞天彭橋畔過千
載感斯文

彭山雜咏十首

什邡 胡德琳 桂林進士

木落天氣清空山來返照遠景隔林明萬嶺恣憑
眺精舍讀書人倚欄定長嘯

芙蓉尸罷采孤鶩飛落霞幾點明漁火三秋見雪
花伊人在何處白露老蒼葭

清兮可濯纓濁兮可濯足雲山韶濩音愛此滄浪
曲欸乃一聲中蒼烟湛寒綠

平蓋何逶迤迢迢白雲外霜下鳴疎鐘清音禩梵
唄不離聲聞禪始覺象教大

鴈齒江欄遠平原四望秋衣香與人影髣髴過揚
州忠孝精靈在清波湧月流

任公釣六鰲琴高乘赤鯉御風騎氣行神仙亦人
耳烟雲何濛濛咫尺春雷起

頑鐵磨成鍼石乳滴成溜濯魄向冰壺花香滿襟
袖仙人猶讀書廢學嗟余陋

紫玉高千尺紅蕖疊萬層黝然空山裏隨地有傳

眉州屬志

卷十八 詩

三

燈下士忽大笑厥聲如蒼蠅

長公留題處古洞何青蒼游戲特狡獪訛言白帝
倉何如順帝則鼓腹遊熙康

桃浪湧江心彩虹飲江口支機雲錦張濯自天孫
手遠使憶張騫浮槎上牛斗

拜漢征南將軍岑彭廟長歌

人苦不知足得隴復望蜀十二公孫已定期五銖
炎德知當復區區子陽井底蛙習漢吏事開成家
不據瞿唐據虎牙妄引圖讖爭矜誇訛言白帝堪

絕倒高山赤甲空枯槎白水真人定隴右西州隗
囂旋授首日獻三捷撤其藩斗絕一隅猶困守征
南將軍復堂堂遠自夷陵屯津鄉帝知明習善水
戰浮橋一炬何輝煌墊江都江順流下倍行不復
分晨夜武陽經拔趨廣都風馳雨驟人爭訝將軍
用兵真無倫豎子投杖驚猶神不知面縛丐餘命
迺逞故智戕厥身前年遣盜殺來歙陛下哀憐垂
涕泣今年山忽兆彭亡亡奴夜發嗟何及將軍軍
令嚴秋毫大星宵隕靜不囂栢人知幾亦數定蜀

眉州屬志

卷十八 詩

三

人憐重還悲號嗚呼躍馬成黃土將軍廟祀昭千
古我來再拜對斜陽欲賦饒歌追樂府王喬仙跡
嘆悠悠彭祖衣冠共一邱凜然忠義餘生氣豸節
烏私錦水秋

青神雜咏十六首

青邑令 吳汝翼

境闢蠶叢古南安事蹟微農桑今已徧猶是說青
衣

錦江從東來濛水承其委矯首望烟霄三山如可
指

郭繞魚陀水城蟠熊耳山我來尋舊跡但聽水潺
潺

水向中巖落蘓公寄興長行人江畔去指點是平
羌

白莫波流急紅花水勢洄渡頭人佇立都待放船
回

啞漚稱絕險觸石起狂瀾旅客驚相告南行第一
灘

五渡乘流便無人舟自行芙蓉開更好兩岸踏花

眉州屬志

卷十八 詩

三

英

仙池流夜月古閣起清風更訝三山笛聲聲度遠

空

東郭水溶溶猶龍此地逢關中瞻紫氣橋畔識仙
蹤

三巖號名勝彷彿似蓬萊石笋當空迸魚羣鼓掌
來

池水環雙岫渠開灌百家邨邨奉土主社鼓樂桑
麻

長泉傳舊里曾說見麒麟建院煩王衍休祥恐未
真

四時多好景恰問何人借山谷有遺詩悠然明月
夜

石壁何嶙峋清泉流不息爲欲引流觴鑿池成太
極

方山甘隱逸莘老稱骨鯁出處有殊途芳名千古
炳

歷代經沿革遙看襟帶長岷江通地脈峩嶺接天
眉州屬志

卷十八

詩

三

光竹樹連千畝人民集五方不堪談往事多半是
荒唐

李昌漈崇正間以貢生判莒州攝州事城破與
妻何氏子爾璇僕登雲死之

進士任涑

吳

慎

州人入
夾江籍

大兵南下鼓聲促志士全家沸天哭五日代庖名
義重臣力竭矣死莫贖妻殉夫子命絕碎磔蒼頭
心似鐵嗚呼哀哉李莒州見危致命天爲愁殷家
孤竹漢無終真堪鼎峙照千秋

李孔昭薊州人崇正癸未進士賊陷京城白衣
冠哭於野入盤山教生徒以養母大僚交薦不
起後館海上病卒

老婦不再嫁書生求報罷非甘跼伏高不出成就
愚忠亦至德硯田熟甘旨足我家乃在東海之濱
盤山之麓君不見突兀漾空雲松耶栢耶何嶙峋
又不見扶桑吼雪浪滔滔清絕洗涎鱗

和人遊中巖之作三首

順天
府尹顧汝修華陽人

不媿名山衆口稱題詩兩度記吾曾月宜石筍風

眉州屬志

卷十八

詩

三五

邊照

山上石筍三
其半有太極

泉

雲自珠泉穴上騰世外舊遊

嘗入夢眼前新句若爲興蒼岷古木猿啼處杖策

何時問老僧

山光十里不容稱想像烟嵐得未曾躍鯉聞呼驚
撥刺老猿挂樹喜超騰雨殘林外晚峰濕日照巖
端薄霧興可惜豐碑都寂寞何年孟鉢住高僧
冷落荒崖幸有稱尋遊騷客竟何曾溪橋路曲縈
紆上禪榻雲開歎喜騰丹嶂陸離回晚照煙鬟綽
約看晨興四時好景知何限試問花臺說法僧

重遊中巖寺

靈隱寺外一泓泉飛來峯石清且妍雲棲寺外五
里竹寺門乃在山之麓西湖湖山海內稀兩寺林
泉夢欲飛永懷故國中巖寺心自品題分軒輊歸
來返棹及青神江邊蔥蒨向人親石橋省是舊時
路流水潺湲蔭綠筠徜徉初得喚魚池坡老風流
真吾師孤雲來往穿雲洞丹崖懸乳滴珠垂何年
甃石爲大極泉以此名固其宜池邊再過玉虹北
石筍三峯何特竒梯筍捫參瞻古殿四百年前彼
一時前度題詩興未敗雙壁飛嵐上衣帶指點卻
從何處來磴路都隱藤蘿外大壑蜿蜒走生蛇古
樹高擎鬱如蓋巫峽從來多猿啼跳躍叫號此其
最巨羅尊者開道場鴈宕龍湫知可汰吁嗟乎古
人碑碣總模糊天風吹袂一長吁白骨半驚秋井
塌謂石不朽石何如

冬日巡視堰工暮歸武陽道中

彭邑令 張鳳翥

再渡平橋晚寒雲鎖石根青帘山下路紅葉寺前

村竹色浮晴影萍光掠
凍痕因公扳話久歸騎已
黃昏

筒車歌

時維五月天亢陽赤鳥
當空火傘張老農挿秧過
芒種仰觀銀漢空茫茫
里人抱牒向余訴坐看膏
澤流彼方昔年使君沛
大澤徐侯不分界與疆
西河築堤三十丈湔江
入口源流長章仇神蹟
漸復古長虹偃波犀奔
忙字青石赤頌九土刑
牲瓊玉酬二王今年何
爲吝神澤爲是筒車千
輪百架阻

眉州屬志

卷十八 詩

七

武陽遏流屈曲注高阜
編竹爲塹懸金湯人謀
洵可奪天巧轆轤萬轉
神功藏雪浪拍天雪水
立銀河注地魚龍翔細
珠亂落逗秋雨素練裂
破拖霓裳翻水叱咤轉
鈞軸迎風嘔啞流微商
遂使東流向西注蒼龍
倒掛迴扶桑吁嗟翻車
始自馬均手後來作者
徒爭強搏躍過顛豈天
性激行在山非經常徐
侯解澤自公溥披星戴
月求民康水縉百萬出
泉畝豈使向隅含悲傷
懲奸察弊走魑魅宜幽
達滯含混茫天池一瀉
三峽坼渤澥半倒九河

襄菰蒲沒水鳧雁立動影窈窕空林塘迴首筒車

聲婉轉潏潏激盪風浪浪江魚跳波白鶴舞江魚白鶴

皆堤堰名金竹曼曼搖青岡金竹彭山堰名青岡堰在眉州農夫歸路

發清謳田頭放水補墾秧手提桔槔明月下坐看

水蒲浮星光綠苗颼颼吹浪起一犁烟雨迎清涼

晚來醉卧茆檐下不愁紅日升東墻

泛通濟渠六首

清澌適地漾晴天漠漠輕鷗弄曉烟高處引流飛

匹練碧波珠跳水平田

眉州屬志

卷十八 詩

三

穿林遠徑影霏微竹裏人家筍蕨肥更愛水蒨花

夾岸蜻蜓幾箇往來飛

遙通銀漢水潺湲鑿破雲根杳靄間疑是乘槎泛

牛斗翠煙籠處是眉山

泠泠清石漱風寒路斷危橋樹曲盤登岸馬蹄行

處滑夕陽紅映水波殘

細麥輕搖蹙浪花小鳥點點戲圓沙碧筒新漲晚

來急無數兒童作手車

山迴水曲土高疏瀦瀦波浮十二渠翁開通濟分渠二十八道

借用鄴合事翻水口頭遙眺望翻水口舊新鑿通眉州水利安流一

直到江魚眉州堤名

謁三蘓祠

四川吳省欽學政

蘓文生喫菜羹蘓文熟喫羊肉其人已往文尙存
何止因人愛烏屋四年三過玻璃江江風刁刁催
畫艘今朝風利泊沙渚一渡再渡紆輿杠卧牛城
闕翳烟莽紗線街頭致蕭爽解帶先圍古栢粗捫
碑細剔春苔長東坡居左穎濱右文安主簿笏端
手命名如聞醮琰呼經傳尙憶循牆走一門謠詠

眉州屬志

卷十八 詩

三

變機權百代光芒射牛斗龍眠寫生神不枯玉驛
輟贈真吾徒木假山堂倚丹檻勺水涉趣同江湖
王侯甲第滿朝市宅廢祠成歲難紀詩版頻邀玉
節題劫灰幾被紅巾燬撞鐘伐鼓三瓣香炳靈江
漢歸故鄉光佑蜀學化蜀黨井絡一氣登福昌

謁三蘓祠

青神令馮廷鋈

夙昔尙論古景仰在芳矩眉陽三先生文行疇與
伍前歲令青衣幸得謁祠宇衣冠肅一堂宛然步
鄒魯穆穆高山岑森森清江浦風標去我遠何由

躡其武縱有堦前栢撫摩終無補亦有池中蓮懷
人情更苦君不見峴山之崇碑淚墮羊公祐又不
見成都之草堂憑弔杜公甫物是人已非空餘一
抔土何如明窓裏薰香讀公譜

謁三蘓祠

胡章

眉山一簣如苦重俎豆莘莘集巾幘眉山一門如
海潮倒瀉百家交橫從文安主簿生面開機杼同
操兩伯仲鬼魅從來喜人過挪揄不因門戶閨只
今秋月冷玻璃臺頤秋聲寒雨送賸得詩人尺數

眉州屬志

卷十八 詩

罕

椽消磨劫灰莽撐控我從秦嶺下巴東參旗井絡
泝筌纒誰將牛耳執坵壇四顧邾莒供騰哄禮殿
啜手瓣香微玉局大仙腹空洞祠外古栢凍老蛟
瘦伸鐵爪攫霜松木假堂前綴踈桐踈枝小落桐
花鳳靡左蓮池菡萏雙占應賢書有士貢廡廊石
刻開墨林墨志瀟灑關飛動膏被穹壤巧潤多半
殘奠可傾春甕興酣拔劍斫地歌吹入東風峭三
弄

癸丑子月下浣余之任楚北石梅溪觀察姚一

如趙少鈍兩太守遠送江干過眉之墓頤觀並
謁三蘓祠得詩二首

四川惠齡
制軍

名山原合謫仙居四面巖巒畫不如曲徑松迷遊
客屐平橋竹護遠公廬煙凝邨樹投歸鳥日下溪
田罷荷鋤憑眺漫嫌荒寺老暫休塵鞅得相於
結伴招攜指上方三蘓文采未銷亡棲懸遺像虛
帷動殿闕清泉古甃荒半嶺松風迴澗壑一林雲
氣滿衣裳旗槍試罷尋歸路小隊沿江踏夕陽

和韻

永寧道石作瑞梅溪

眉州屬志

卷十八 詩

三

遊騎叨陪勝卜居行來真欲悟如如泉噓石罅
沙井竹隱松林護草廬一綫玻瓈分綠剪千邨禾
黍帶青鋤荷花想像秋來盛步障相傳宋室於
生成玉水記流方舊宅新祠蹟未亡老樹當門依
地主斯文終古破天荒風穿密宇蘿牽帶翠掃空
庭芟作裳那有一家人若此木山三脊向山陽

和韻

成都太守姚令儀
一如

元戎小隊過邨居一葉循行縱所如處處煙嵐通
曲徑深深竹樹拱精廬人間石爛泉盈掬天上風

飛雨一鋤滿目山川經底定笑他何處吝商於
所謂伊人水一方南廊書散汴都亡摳衣此日瞻
遺址被髮當年下大荒綺語趨庭欣賜帶磐陀贊
像欲褰裳最憐近水魚猶黑隊隊啣花向晚陽

和韻

州牧 趙秉淵 退密

萬里功成淡不居大臣風度有誰如已先天下憂
民事更爲名賢式舊廬攬勝暫停花外舫行春預
驗隴邊鋤墓頤山色玻璃水仙觀簪裾記所於
間關百戰靖遐方得失休論塞馬亡報國未妨文

眉州屬志

卷十八 詩

三

字業籌邊猶憶陣雲荒洗兵舊雨霑花郡移節飛
鴻趨繡裳他日集成頒一品貞珉今已勒眉陽

遠景樓懷古

州牧 蔡宗建

爽塏踈明地揚眉上翠樓何人識遠景老眼獨經
秋峯嶂排千里人文第一州我來頻徙倚逝水繞
東流

謁三蘓祠

四川 吳樹萱 學政

堂構巍然仰佩裘此邦文獻壯千秋蓮枯池水魚
沉墨栢蔭山堂樹作虬名在朝廷成黨銅人從遷

謫想風流平生頂禮今如晤好事蘓齋枉唱酬
書馬券碑後

挑燈細讀龍眠畫別蘇重尋馬券碑方叔豆羹能
繼否涪翁墨妙乃貽之故知玉鼻非凡相却嘆風
烟閱舊祠元祐四年四月日一行歛識萬年垂

彭拙又偕謁蘓祠夜飲署齋得詩一律

翩然湖口一詩人尋到江源筆有神洗盞便傾家
釀醉擘窠驚見墨痕新雨絲江路憐逢舫栢影山
堂薦渚蘋最是文章得知已由來相士鑑能真

眉州屬志

卷十八 詩

聖

謁三蘓祠二十韻

建昌道 徐長發

岷蜀鍾人傑風流異代看韜光同虎豹濟美獲鸕
鸞學晚仍先達才高獨辨姦清芬資繼起偉畧寄
微官玉筍班聯秀金蓮光並爛一堂文獻續四海
弟兄難宰相名偏早臺臣法未寬巢痕新已掃宦
興久將闌風雨連床約江湖易地觀青山縈舊夢
白首渺承歡大筆追秦漢雄篇接杜韓前賢欣有
蹟來者感無端曲沼澄波暖雙槐古翠寒至今瞻
侍祀當日想同餐峩嶺堆晴雪玻璃響碧湍子雲

出處舛司馬姓名單奕葉朝廷重全家品節完百
年成散落千載得歸安餘韻傳桑梓羣材借羽翰
辦香瞻拜始待薦荔支丹

寄題東坡先生故居

公居憶我訪古初我返尋公宦遊處我今忽忽十
五年公昔悠悠幾萬里築堤去葑成勝觀買田陽
羨惜虛語惠州儋耳九死還雪嶺蠻鄉豈相似如
公豪傑天下少如我衰庸何足比我眉山色招白
頭元祐文章照青史才名四海終古留當日惟傳

眉州屬志

卷十八 詩

器

兄弟耳高明剛大知己難莫怪長懷聖湖水一杯
揮灑寄遠情相見來生或可俟

眉州謁三蘇公祠詩

翰林 周厚轅 江西人

一門學業從來少曹家父子安足道平生有夢到
眉山此日升堂及秋杪分明舊宅肅衣冠憶似趨
庭對昏曉生于斯不哭于斯後百千年鶴歸表親
栽榆樹老當門手種荷花尙盈沼游魚旣黑不敢
白一勺當年墨吹飽長公四海一相知次公洄溯
傾懷抱對牀風雨視茲何子舍師門共深宵天倫

樂事勝生前有叩斯鳴足幽討平都山上鹿不鳴
陽羨江頭橘應槁超然一記亦此窺院宇空涼翠
終掃我於江漢度春秋來值賓朋薦蒞藻撫碑得
識李氏驛訪石因知任家媪醉時意態最清真席
上開置都完好紫薇玉堂又誰知赤壁朱厓亦堪
老傳語華陽太師公當初唾食徒草草焉能禁人
俎豆與馨香木假山堂月方皎

謁三蘓祠

和韻

署州牧

彭錫珖

眉陽地僻經過少眉山父子世爭道我來掬飲玻

眉州屬志

卷十八

詩

五

璿江一字參差出林杪下車掘衣肅拜瞻歸然道
貌各分曉有客青山白浪來更慰神交攝儀表木
假山空室宛然瑞蓮亭下魚遊沼玉鼻驛曾御苑
移任家母共餘杭飽蹇裳妙筆合龍眠磐石煙雲
互廻抱摩挲幸有遺跡存曲檻踈檣對青宵主人
當風張綺筵太史啣盃恣論討可龍山頂石城封
廣福寺前墓松槁塊招汝穎鶴飛來悵望峩眉翠
空掃卜築未酬歸祔虛千年堂構香蘋藻祇今位
置天有靈曩日仙徵地維媪揚馬工文真氣彫蓬

姿徒與爭媿好何如古栢雙虬蒼直伴靈榆一株
老忠孝文字摠留遺那向荒煙悲蔓草興酣落筆
紀斯遊玉堂列坐愧清皎

謁三蘓祠同涂松

跋作嘉定太守

謝肇洙

天地秀靈無不有我生自愧塵三斗玻璃江上望
峩眉古之人兮思尙友名山本爲一家名君與蘓
家舊有盟水秀山明照滿眼天教來主眉州城眉
州嘉州襟帶隔犍爲古郡今猶昔隣照分來我有
光香花借取供仙客

嘉州凌雲有長公祠

祠堂諸葛名巍巍

眉州屬志

卷十八

詩

吳

子雲相如安在哉殊尤曠代難爲繼明德在人豈
獨才長公次公風格上西園雅集今無像文安主
鐘晚節高鳴琴已廢誰能相

明允詩誰爲善相寧嫌瘦後有知音可廢

彈

君今坐我三蘓祠三公音容宛在茲拜手更無

言可頌欲將比作三峩眉

初到眉州謁三蘓祠

涂長發

蜀中自古稱才藪司馬淵雲誰與偶眉山父子擅
英竒掘起西南今不朽老泉晚學收名遠辨奸論
似蒲牢吼二子名說定終身舅弟竒才重朝右長

公高世物爭仇箕張其舌牛奮口勁前凌霄千丈
松筆端氣挾風雲走次公謹重承家學賢相預儲
施未久一門忠義貫坤維不獨文章誇九有我慚
捧檄來此邦敬禮先賢酌樽酒巷名紗縠神所棲
祠宇遺基今是否古榆風動影婆娑瑞蓮香靄生
池藕憶從束髮誦遺編今日登堂重稽首爲勤黜
聖廟貌新儀型如在仰山斗

春日登城望青衣江

署青
邑令程尙濂

黃鹿真人飛上天蠶叢遺蹟如雲烟子規啼竹竹

眉州屬志

卷十八

詩

七

欲裂夢中夜夜聞清猿山城老屋飽霞翠鷄犬疑
在雲中喧登臨懷古坐敞罔但聞青衣江水鳴濺
濺借景亭清風閣兔葵燕麥春如昨安得雲璈小
鳳笙一聲吹下瑤池鶴

泛舟青衣江遂遊中巖

一凹一凸睥睨聯一軒一輕輜輶顛水底看山山
更好波光嵐影爭蜿蜒兩山插水夾明鏡紫翠蕩
漾空江船雙橈拍拍侶鳧鴈要與山意相延緣翠
者爲崖訝者谷瞥眼萬狀來駢竄熊蹲豹擲互雄

長山勢直欲凌風，騫迴波一折入夷曠。云有古刹，
栖重巒。昔聞中巖今始到，躡屐意已凌層巔。山口
攢攢蒼雲樹，便疑杖策遊仙源。羅生瑤草似羊齒，
雲錦繡地紛芊綿。喚魚池古已陳迹，尙餘鹿角浮
幽潺。石眼環環溜穿腹，飛淙迴湫瑤渦圓。三峯石
筍峙如鼎，神剡天劃青巒岈。山僧三兩眼睛綠，水
田衣袖風翩翩。招攜導我看石刻，苔蘚班駁搜遺
鏤。歸途更來山口坐，峻嶒倒影波淪漣。水月樓高
翼江上，飛霞突射紅琅玕。奚囊剩有紫玉玦，亂跳

眉州屬志

卷十八

詩

哭

蟹眼烹山泉，坐來肝鬲已冰雪。清風兩腋涼，娟娟
江山如此幽。夢那可越白雲，招手來共仙人眠。

坡翁故居

坡翁宦遊直送江，入海幾回歸。夢飛越岷峨，顛白
魚紫筍。一回首，青衣江上波漫漫。古人已往長已
矣，剩有墨香猶在紙。安得颯颯大雅音，相將一振

三巴耳

用山谷語

眉州道中

眉山天下秀，黛色披衣襟。日射玻璃江，水底珊瑚碎。

金嵐翠列屏障巖霏幻晴陰安得謝公屐攀蘿重
幽尋仙人如可期遲我白雲岑

墓頤山

墓精不蝕月幻此嶙峋碧大肚何婪酣一吸江流
窄爬沙豈云鈍踞地無形迹頤中應有物渟泓貯
靈液白蟹與紫芝雲扃闕幽寂

眉州屬志

卷十八 詩

晁

